

V bo'lim.

Byudjet tizimi byudjetlarining xarajatlari

13-bob. Davlat byudjeti xarajatlari

69-modda. Davlat byudjeti xarajatlarining tarkibi

Davlat byudjetining xarajat qismi quyidagilardan iborat:

ijtimoiy soha va aholini ijtimoiy qo'llab-quvvatlash xarajatlari;

nodavlat notijorat tashkilotlarini va fuqarolik jamiyatining boshqa institutlarini davlat tomonidan qo'llab-quvvatlash xarajatlari;

iqtisodiyot xarajatlari;

markazlashtirilgan investisiyalarni moliyalashtirish xarajatlari;

davlat hokimiyati va boshqaruvi organlarini, adliya va prokuratura organlarini saqlab turish xarajatlari;

(69-modda birinchi qismining oltinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

sudlarni saqlab turish xarajatlari;

(69-modda birinchi qismining yettinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

fuqarolarning o'zini o'zi boshqarish organlarini saqlab turish xarajatlari;

boshqa xarajatlar.

Davlat byudjetining xarajat qismi tarkibida O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat

byudjetlarining va Toshkent shahri shahar byudjetining tumanlar va shaharlar byudjetlarining zaxira jamg'armalari hisobga olinadi.

(69-moddaning ikkinchi qismi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

Qarang: Mazkur Kodeksning 70 — 82-moddalari.

70-modda. O'zbekiston Respublikasi respublika byudjetining xarajatlari

O'zbekiston Respublikasining respublika byudjetidan quyidagi xarajatlar amalga oshiriladi:

1) ijtimoiy soha va aholini ijtimoiy qo'llab-quvvatlash xarajatlari, shu jumladan:

maktabgacha ta'lim, umumiy o'rta ta'lim, o'rta maxsus, kasb-hunar ta'limi, oliy ta'lim, oliy o'quv yurtidan keyingi ta'lim, maktabdan tashqari ta'lim, kadrlarning malakasini oshirish va ularni qayta tayyorlash muassasalari, bolalar uylari, ta'lim muassasalarini axborot-uslubiy jihatdan ta'minlash muassasalari, vazirliklar va idoralar tasarrufidagi ta'lim muassasalari, boshqa yordamchi muassasalarni saqlab turish, shuningdek qonun hujjatlarida O'zbekiston Respublikasining respublika byudjetidan moliyalashtirilishi nazarda tutilgan ta'lim tizimi tadbirlarining xarajatlari;

respublika shoshilinch tibbiy yordam markazi, OITSga qarshi kurashish respublika markazi, Davlat sanitariya-epidemiologiya nazorati, karantin va o'ta xavfli infeksiyalar profilaktikasi, ilmiy-tadqiqot institutlari va oliy o'quv yurtlarining klinikalari, qon quyish xizmati va sud-tibbiyot ekspertizasi respublika muassasalari, respublika vazirliklari va idoralari tasarrufidagi boshqa davolash-profilaktika muassasalari

hamda yordamchi tashkilotlarni saqlab turish, shuningdek qonun hujjatlarida O‘zbekiston Respublikasining respublika byudjetidan moliyalashtirilishi nazarda tutilgan xizmatlar haqini to‘lash xarajatlari;

(70-modda birinchi qismi 1-bandining uchinchi xatboshisi O‘zbekiston Respublikasining 2017 yil 29 dekabrda O‘RQ-454-sonli Qonuni tahririda — Qonun hujjatlari ma’lumotlari milliy bazasi, 01.01.2018 y., 03/18/454/0493-son)

qonun hujjatlariga muvofiq ayrim toifadagi fuqarolarga tibbiy xizmatlar ko‘rsatilganligi uchun respublika ixtisoslashtirilgan markazlari xarajatlarining o‘rnini qoplash (subsidiyalar);

qabul qilingan davlat dasturlariga muvofiq fuqarolarning sog‘lig‘ini saqlash tadbirlarini amalga oshirish xarajatlari;

respublika vazirliklari va idoralari tasarrufidagi madaniyat, jismoniy tarbiya va sport muassasalarini saqlab turish, tele- va radiodasturlar yaratish hamda ularni tarqatishga doir xizmatlar ta’minoti va ularga haq to‘lash, hukumatning alohida qarorlariga ko‘ra ommaviy axborot vositalarini saqlab turish, kino- va videomahsulotlar yaratish, madaniy meros ob’yektlarida restavrasiya ishlarini bajarish, tasdiqlangan kalendar rejalarga muvofiq madaniyat va sportni rivojlantirish bo‘yicha qonun hujjatlarida O‘zbekiston Respublikasining respublika byudjetidan moliyalashtirilishi nazarda tutilgan maqsadli tadbirlar xarajatlari;

fundamental, amaliy tadqiqotlar va innovasiya ishlarining davlat ilmiy-texnik dasturlari doirasida grantlar bo‘yicha amalga oshiriladigan ilmiy-texnik loyihalar, noyob ilmiy ob’yektlarni va fanga xizmat ko‘rsatuvchi muassasalarni saqlab turish, ilmiy loyihalar ekspertizasini o‘tkazish hamda qonun hujjatlariga muvofiq O‘zbekiston Respublikasining respublika byudjeti hisobidan amalga oshiriladigan fanga doir alohida tadbirlar xarajatlari;

davlat arxivlarini saqlab turish xarajatlari;

respublika vazirliklari va idoralari tasarrufidagi urush hamda mehnat faxriylari uchun pansionatlar va sanatoriylarni, aholini ijtimoiy muhofaza qilish muassasalarini saqlab turish, shuningdek qonun hujjatlarida O'zbekiston Respublikasining respublika byudjetidan moliyalashtirilishi nazarda tutilgan, aholini ijtimoiy muhofaza qilishga doir maqsadli tadbirlar xarajatlari;

davlat mukofotlari, davlat pul mukofotlari bilan taqdirlanganligi munosabati bilan bir yo'la beriladigan davlat pul mukofotlari va mukofotlarini to'lash xarajatlari;

bolalikdan nogironlarga va bola tug'ilganda beriladigan nafaqalarni, qonun hujjatlarida ayrim toifadagi shaxslarga belgilangan kompensasiyalarni to'lash uchun vakolatli organga mablag'lar ajratish xarajatlari;

Chernobil AES halokati oqibatlarini tugatishda ishtirok etgan shaxslarni va radiasiya-yadro ob'yektlarida harbiy xizmatni o'tagan pensiya yoshidagi shaxslarni ijtimoiy qo'llab-quvvatlash, ayrim toifadagi shaxslarga qonun hujjatlarida belgilangan imtiyozlar va kompensasiyalarni to'lash xarajatlari jamoat ishlarini moliyalashtirish;

(70-modda birinchi qismi 1-bandining o'n ikkinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

2) davlat grantlari, subsidiyalar va ijtimoiy buyurtma shaklida nodavlat notijorat tashkilotlari va fuqarolik jamiyatining boshqa institutlari faoliyatini davlat tomonidan qo'llab-quvvatlash xarajatlari;

3) iqtisodiyot xarajatlari, shu jumladan:

agrosanoat majmui va oziq-ovqat xavfsizligi ta'minlanishi sohasidagi respublika nazorat organlarining xarajatlari, suv va o'rmon xo'jaligi xarajatlari, qishloq xo'jaligi ekinlari

zararkunandalariga qarshi kurashish muassasalarining xizmatlariga va ularni saqlab turishga haq to'lash xarajatlari;

(70-modda birinchi qismi 3-bandining ikkinchi xatboshisi O'zbekiston Respublikasining 2019 yil 8 yanvardagi O'RQ-512-sonli Qonuni tahririda — Qonun hujjatlari ma'lumotlari milliy bazasi, 09.01.2019 y., 03/19/512/2435-son)

hosildorligi past yerlarda davlat ehtiyojlari uchun qishloq xo'jaligi mahsulotlarini yetishtiruvchi fermer xo'jaliklarini moliyaviy qo'llab-quvvatlash xarajatlari;

qishloq xo'jaligi tovar ishlab chiqaruvchilari tomonidan to'lanadigan yagona yer solig'i bo'yicha tushumlarga muvofiq byudjetdan ajratiladigan mablag'lar va O'zbekiston Respublikasi Vazirlar Mahkamasi huzuridagi Sug'oriladigan yerlarning meliorativ holatini yaxshilash jamg'armasining har yili tasdiqlanadigan asosiy parametrlari doirasida byudjetdan ajratiladigan maqsadli mablag'lar;

(70-modda birinchi qismi 3-bandining to'rtinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

qonun hujjatlarida O'zbekiston Respublikasining respublika byudjetidan moliyalashtirilishi nazarda tutilgan standartlashtirish va sertifikatlashtirish, topografiya-geodeziya, kartografiya va kadastr, shuningdek geologiya qidiruv ishlari, davlat shaharsozlik kadastrini yuritish xarajatlari, chegaradosh davlatlarga haq evaziga yerdan foydalanish to'lovi, gidrometeorologiya xizmati muassasalarini saqlab turish xarajatlari;

(70-moddaning birinchi qismi 3-bandi beshinchi xatboshisi O'zbekiston Respublikasining 2015 yil 29 dekabrda O'RQ-396-sonli Qonuni tahririda — O'R QHT, 2015 y., 52-son, 645-modda)

atrof muhit va landshaftning muhofaza qilinishini, biologik xilma-xillikning himoya qilinishini ta'minlash bilan bog'liq xarajatlar;

«Suv ta'minoti va kanalizasiya tizimlarini rivojlantirish» jamg'armasi orqali ichimlik suvi bilan ta'minlash tizimini rivojlantirish bilan bog'liq xarajatlar.

(70-modda birinchi qismi 3-bandining yettinchi xatboshisi O'zbekiston Respublikasining 2019 yil 22 maydagi O'RQ-540-sonli Qonuni tahririda — Qonun hujjatlari ma'lumotlari milliy bazasi, 23.05.2019 y., 03/19/540/3167-son)

4) respublika vazirliklari, davlat qo'mitalari va idoralari buyurtmachi bo'lgan markazlashtirilgan investisiyalarni moliyalashtirish xarajatlari;

5) davlat hokimiyati va boshqaruvi organlarini, adliya va prokuratura organlarini saqlab turish xarajatlari, shu jumladan:

(70-modda birinchi qismi 5-bandining birinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

O'zbekiston Respublikasi Oliy Majlisi palatalarini;

O'zbekiston Respublikasi Prezidenti Administrasiyasini;

(70-modda birinchi qismi 5-bandining uchinchi xatboshisi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

O'zbekiston Respublikasi Vazirlar Mahkamasini;

O'zbekiston Respublikasi Markaziy saylov komissiyasini;

(70-moddaning birinchi qismi 5-bandi O'zbekiston Respublikasining 2014 yil 4 sentyabrda O'RQ-373-

sonli Qonuniga asosan oltinchi xatboshi bilan to'ldirilgan — O'R QHT, 2014 y., 36-son, 452-modda)

O'zbekiston Respublikasi Konstitutsiyaviy sudini;

O'zbekiston Respublikasi Oliy Majlisining Inson huquqlari bo'yicha vakili (ombudsman) kotibiyatini;

qonun hujjatlarida O'zbekiston Respublikasining respublika byudjeti mablag'laridan saqlab turilishi nazarda tutilgan davlat boshqaruvi organlarini;

O'zbekiston Respublikasining chet ellardagi muassasalarini saqlab turish xarajatlari;

adliya va prokuratura organlarini.

(70-modda birinchi qismining 5-bandi O'zbekiston Respublikasining 2017 yil 29 dekabrda O'RQ-454-sonli Qonuniga asosan o'ninchi xatboshi bilan to'ldirilgan — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

Qarang: Mazkur Kodeksning 69-moddasi, "Prokuratura to'g'risida"gi Qonunning (yangi tahriri) 51-moddasining birinchi qismi, 54-moddasi.

6) sudlarni saqlab turish xarajatlari;

(70-modda birinchi qismining 6-bandi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

Qarang: Mazkur Kodeksning 69-moddasi, "Sudlar to'g'risida"gi Qonunning (yangi tahriri) 76-moddasining birinchi qismi, 79-moddasining birinchi qismi.

7) O'zbekiston Respublikasi Vazirlar Mahkamasining zaxira jamg'armasini shakllantirish xarajatlari;

8) boshqa xarajatlar:

siyosiy partiyalarga ularning ustavida belgilangan faoliyatini moliyalashtirish uchun ajratiladigan mablag'lar;

qonun hujjatlarida belgilangan tartibda qo'shilgan qiymat solig'ining o'rnini qoplash;

O'zbekiston Respublikasi ishtirokchi bo'lgan xalqaro tashkilotlarga a'zolik badallarini to'lash va ularni moliyalashtirishda ishtirok etish xarajatlari;

davlat qarzi bo'yicha xizmat ko'rsatish va O'zbekiston Respublikasining kafolatlangan majburiyatlarini bajarish bilan bog'liq xarajatlar;

davlat buyurtmasi bo'yicha statistika ishlariga haq to'lash;

O'zbekiston Respublikasi Markaziy saylov komissiyasining saylovlar va referendumlarga tayyorgarlik ko'rish hamda ularni o'tkazish bo'yicha xarajatlari, shu jumladan okrug va uchastka saylov komissiyalarini, siyosiy partiyalarni moliyalashtirish;

(70-moddaning birinchi qismi 8-bandi yettinchi xatboshisi O'zbekiston Respublikasining 2014 yil 4 sentyabrdagi O'RQ-373-sonli Qonuni tahririda — O'R QHT, 2014 y., 36-son, 452-modda)

(70-modda birinchi qismi 8-bandining sakkizinchi xatboshisi O'zbekiston Respublikasining 2019 yil 24 dekabrdagi O'RQ-597-sonli Qonuniga asosan chiqarilgan — Qonun hujjatlari ma'lumotlari milliy bazasi, 25.12.2019 y., 03/19/597/4193-son)

davlat zaxiralari va strategik zaxiralarni vujudga keltirish, saqlab va yangilab turish bilan bog'liq xarajatlar;

mudofaaga, jamoat tartibi va xavfsizligini ta'minlashga, bojxona organlariga ajratiladigan mablag'lar, shu jumladan harbiy xizmatni, ichki ishlar organlarida, bojxona organlarida xizmatni o'tagan shaxslar hamda ularning oilalariga pensiyalar va nafaqalar uchun xarajatlar, shuningdek qonun hujjatlariga muvofiq faoliyati O'zbekiston Respublikasining respublika

byudjetidan moliyalashtiriladigan muassasalar, tashkilotlar va idoralarga ajratiladigan mablag'lar;

qonun hujjatlariga muvofiq boshqa xarajatlar.

O'zbekiston Respublikasining respublika byudjetidan:

Qoraqalpog'iston Respublikasi byudjetiga, viloyatlar va Toshkent shahar mahalliy byudjetlariga subvensiyalar, o'tkazib beriladigan daromadlar dotasiyalar va maqsadli ijtimoiy transfertlar;

(70-modda ikkinchi qismining ikkinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

davlat maqsadli jamg'armalariga byudjet ssudalari va dotasiyalar;

yuridik shaxslarga byudjet ssudalari va kredit liniyalari hamda chet davlatlarga kreditlar belgilangan tartibda ajratilishi mumkin.

Qarang: Mazkur Kodeksning 51 va 69-moddalari.

71-modda. Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining xarajatlari

Qoraqalpog'iston Respublikasining respublika byudjeti, viloyatlarning viloyat byudjetlari va Toshkent shahrining shahar byudjetidan quyidagi xarajatlarni amalga oshiriladi:

1) ijtimoiy soha va aholini ijtimoiy qo'llab-quvvatlash xarajatlari, shu jumladan:

umumiy o'rta ta'lim, maktabdan tashqari ta'lim, pedagog kadrlar malakasini oshirish va qayta tayyorlash, boshqa yordamchi va uslubiy ta'lim muassasalarini saqlab turish xarajatlari;

(71-modda birinchi qismi 1-bandining ikkinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

bolalar uylari, davlat bolalar shaharchalarini saqlab turish, qonun hujjatlarida Qoraqalpog'iston Respublikasining respublika byudjetidan, viloyatlarning viloyat byudjetlari va Toshkent shahrining shahar byudjetidan moliyalashtirilishi nazarda tutilgan ta'lim tizimidagi yordamchi xizmatlar va maqsadli tadbirlar xarajatlari;

Respublika shoshilinch tibbiy yordam markazi filialini, ko'p tarmoqli va ixtisoslashtirilgan tibbiyot markazlarini, ixtisoslashtirilgan kasalxonalar va dispanserlarni, tug'ruqxonalar va akusherlik majmualarini, tibbiy tashxis qo'yish va davlat sanitariya-epidemiologiya nazorati markazlarini, qon quyish xizmati va sud-tibbiyot ekspertizasi muassasalarini, Salomatlik va tibbiyot statistikasi instituti filialini, hududiy sog'liqni saqlashni boshqarish organlari tasarrufidagi boshqa davolash-profilaktika muassasalari va yordamchi tashkilotlarni, tibbiy-mehnat ekspert komissiyalarini saqlab turish, shuningdek qonun hujjatlarida Qoraqalpog'iston Respublikasining respublika byudjeti, viloyatlarning viloyat byudjetlari va Toshkent shahrining shahar byudjetidan moliyalashtirilishi nazarda tutilgan xizmatlarga haq to'lash xarajatlari;

(71-modda birinchi qismi 1-bandining to'rtinchi xatboshisi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

qabul qilingan davlat dasturlariga muvofiq fuqarolarning sog'lig'ini saqlash tadbirlarini amalga oshirish xarajatlari;

hududiy madaniyat, jismoniy tarbiya va sportni boshqarish organlari tasarrufidagi madaniyat, jismoniy tarbiya va sport

muassasalarini saqlab turish, shuningdek madaniyat va sportni rivojlantirishga doir maqsadli tadbirlarni amalga oshirish xarajatlari;

(71-moddaning birinchi qismi 1-bandi oltinchi xatboshisi O'zbekiston Respublikasining 2017 yil 13 iyundagi O'RQ-436-sonli Qonuni tahririda — O'R QHT, 2017 y., 24-son, 487-modda)

Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari tasarrufidagi arxivlarni saqlab turish xarajatlari;

Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari tasarrufidagi qariyalar va nogironlarning internat-uylari, pansionatlari va sanatoriylari, nogironlarni reabilitasiya qilish markazlarini, boshqa muassasalarni saqlab turish xarajatlari, shuningdek aholini ijtimoiy muhofaza qilishga doir maqsadli tadbirlar xarajatlari;

shahar yo'lovchilar transporti tashuvchilarining yo'lovchilarni va bagajni cheklangan tariflar bo'yicha tashish, shuningdek alohida toifadagi fuqarolarni imtiyozli tashish xizmatlarini ko'rsatish bilan bog'liq zararlarning o'rnini qoplash xarajatlari;

kam ta'minlangan oilalarga to'lanadigan ijtimoiy nafaqalar, moddiy yordam hamda tabiiy ofatlardan jabrlangan oilalarga moddiy yordam.

(71-modda birinchi qismi 1-bandi O'zbekiston Respublikasining 2017 yil 29 dekabrda O'RQ-454-sonli Qonuniga asosan o'ninchi xatboshi bilan to'ldirilgan — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

2) iqtisodiyot xarajatlari, shu jumladan:

qishloq xo'jaligi tashkilotlarini saqlab turish, shu jumladan hayvonlar kasalliklariga qarshi kurashuvchi muassasalar

xizmatlariga haq to'lash, yerlarni rekultivasiya qilish ishlarini bajarish, shuningdek suv xo'jaligi tashkilotlarini saqlab turish;

(71-modda birinchi qismi 2-bandining ikkinchi xatboshisi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

uy-joy-kommunal xo'jaligi ob'yektlarida ta'mirlash ishlarini olib borish;

suv yo'llarining ayrim texnik uchastkalarini saqlab turish;
aholi punktlarini obodonlashtirish;

(71-modda birinchi qismi 2-bandining oltinchi xatboshisi O'zbekiston Respublikasining 2017 yil 29 dekabrda O'RQ-454-sonli Qonuniga asosan chiqarilgan — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

qonun hujjatlarida nazarda tutilgan o'rmon xo'jaligini, o'simliklar karantinini saqlab turish xarajatlari;

(71-modda birinchi qismi 2-bandining oltinchi xatboshisi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

3) Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari buyurtmachi bo'lgan markazlashtirilgan investisiyalarni moliyalashtirish xarajatlari;

4) mahalliy davlat hokimiyati va boshqaruvi organlarini, shu jumladan:

Qoraqalpog'iston Respublikasi Jo'qorg'i Kengesini;

Qoraqalpog'iston Respublikasi Vazirlar Kengashi, Qoraqalpog'iston Respublikasi vazirliklari, davlat qo'mitalari va idoralari, viloyatlar va Toshkent shahar hokimliklari, ularning boshqarmalari va bo'limlarini hamda Qoraqalpog'iston

Respublikasining respublika byudjeti, viloyatlarning viloyat byudjetlari va Toshkent shahrining shahar byudjeti mablagʻlari hisobidan moliyalashtirilishi nazarda tutilgan davlat boshqaruvi organlarining boshqa hududiy boʻlinmalarini saqlab turish xarajatlari;

(71-modda birinchi qismi 4-bandining uchinchi xatboshisi Oʻzbekiston Respublikasining 2018 yil 24 dekabrda OʻRQ-508-sonli Qonuni tahririda — Qonun hujjatlari maʼlumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

5) Qoraqalpogʻiston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining zaxira jamgʻarmalarini shakllantirish xarajatlari;

6) davlat yoki jamoat ehtiyojlari uchun yer uchastkalarining olib qoʻyilishi munosabati bilan yuridik va jismoniy shaxslarga yetkazilgan zararining oʻrnini qoplash xarajatlari;

6¹) harbiy-maʼmuriy sektorga yuklatilgan tadbirlarni va vazifalarni amalga oshirish va hal qilish xarajatlari.

(71-moddaning birinchi qismi Oʻzbekiston Respublikasining 2017 yil 29 dekabrda OʻRQ-454-sonli Qonuniga asosan 6¹-band bilan toʻldirilgan — Qonun hujjatlari maʼlumotlari milliy bazasi, 01.01.2018 y., 03/18/454/0493-son)

7) Qoraqalpogʻiston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining mablagʻlari hisobidan moliyalashtiriladigan tashkilotlar va tadbirlarning xarajatlari.

Qoraqalpogʻiston Respublikasining respublika byudjetidan, viloyatlarning viloyat byudjetlaridan va Toshkent shahrining shahar byudjetidan tumanlar va shaharlar byudjetlariga byudjet ssudalari, dotasiyalar, subvensiyalar oʻtkazib beriladigan daromadlar va maqsadli ijtimoiy transfertlar ajratilishi mumkin.

(71-moddaning ikkinchi qismi O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

Qarang: Mazkur Kodeksning 22, 23, 69, 73, 98-moddalari, 99-moddasining ikkinchi qismi.

72-modda. Tumanlar va shaharlar byudjetlarining xarajatlari

Tumanlar va shaharlar byudjetlaridan quyidagi xarajatlar amalga oshiriladi:

1) ijtimoiy soha va aholini ijtimoiy qo'llab-quvvatlash xarajatlari, shu jumladan:

tumanlar (shaharlar) xalq ta'limi bo'limlari va maktabgacha ta'lim bo'limlarini, shuningdek ular tasarrufidagi maktabgacha ta'lim, umumiy o'rta ta'lim, maktabdan tashqari ta'lim muassasalarini saqlab turish hamda qonun hujjatlarida tumanlar va shaharlar byudjetlaridan moliyalashtirilishi nazarda tutilgan ta'lim tizimidagi tadbirlar xarajatlari;

tuman tibbiyot birlashmalari, tuman markaziy poliklinikalari va koykasiz dispanserlar, tumanlar (shaharlar) tibbiyot birlashmalari tasarrufidagi davolash-profilaktika muassasalari, oilaviy poliklinikalar, qishloq vrachlik punktlarini saqlab turish xarajatlari;

qabul qilingan davlat dasturlariga muvofiq fuqarolarning sog'lig'ini saqlash tadbirlarini amalga oshirish xarajatlari;

tumanlar (shaharlar) madaniyat bo'limlari tasarrufidagi madaniyat muassasalarini, tumanlar (shaharlar) jismoniy tarbiya va sport bo'limlari tasarrufidagi jismoniy tarbiya va sport muassasalarini saqlab turish, shuningdek madaniyatni, jismoniy tarbiya va sportni, bolalar musiqa va san'at maktablarini rivojlantirishga doir maqsadli tadbirlar xarajatlari;

(72-moddaning birinchi bandi beshinchi xatboshisi O'zbekiston Respublikasining 2018 yil 23 iyuldagi O'RQ-486-

sonli Qonuni tahririda — Qonun hujjatlari ma'lumotlari milliy bazasi, 24.07.2018 y., 03/18/486/1559-son)

uyda ijtimoiy yordam ko'rsatish, Chernobil AES halokati oqibatlarini tugatishda ishtirok etgan shaxslarni va radiasiya-yadro ob'yektlarida harbiy xizmatni o'tagan pensiya yoshidagi shaxslarni ijtimoiy qo'llab-quvvatlash xarajatlari;

2) iqtisodiyot xarajatlari, shu jumladan:

tumanlar va shaharlar veterinariya va chorvachilikni rivojlantirish bo'limlari, laboratoriyalarni, irrigasiya tizimlarining havza boshqarmalari huzuridagi tumanlar (Quvasoy shahri) irrigasiya bo'limlarini saqlab turish;

(72-modda 2-bandining ikkinchi xatboshisi O'zbekiston Respublikasining 2019 yil 12 noyabrdagi O'RQ-583-sonli Qonuni tahririda — Qonun hujjatlari ma'lumotlari milliy bazasi, 13.11.2019 y., 03/19/583/4016-son)

shaharlar va boshqa aholi punktlaridagi ko'chalarni, shuningdek xo'jaliklararo qishloq avtomobil yo'llarini ta'mirlash;

uy-joy-kommunal xo'jaligi ob'yektlarida ta'mirlash ishlarini olib borish;

aholi punktlarini obodonlashtirish xarajatlari;

3) tuman va shahar hokimliklarini hamda ularning bo'limlarini, shuningdek tumanlar va shaharlar byudjetlari mablag'lari hisobidan moliyalashtirilishi nazarda tutilgan davlat boshqaruvi organlarining boshqa hududiy bo'linmalarini saqlab turish xarajatlari;

(72-moddaning 3-bandi O'zbekiston Respublikasining 2018 yil 24 dekabrdagi O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

4) fuqarolarning o'zini o'zi boshqarish organlarini saqlab turish xarajatlari;

5) tumanlar va shaharlar byudjetlarining zaxira jamg'armalarini shakllantirish xarajatlari;

6) boshqa xarajatlar, shu jumladan qonun hujjatlarida tumanlar va shaharlar byudjetlaridan moliyalashtirilishi nazarda tutilgan ayrim tashkilotlar va tadbirlarning xarajatlari.

(72-modda O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

Qarang: Mazkur Kodeksning 44 va 60-moddalari, O'zbekiston Respublikasi Adliya vazirligi tomonidan 15.12.2014 yilda 2634-son bilan ro'yxatdan o'tkazilgan, O'zbekiston Respublikasi moliya vazirining 14.11.2014 yildagi 74-sonli buyrug'i bilan tasdiqlangan Byudjet tashkilotlari va byudjet mablag'lari oluvchilarning xarajatlar smetasi va shtat jadvallarini tuzish, tasdiqlash va ro'yxatdan o'tkazish tartibi to'g'risidagi nizom.

73-modda. O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetining zaxira jamg'armalari

O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg'armalari moliya yili mobaynida iqtisodiy, ijtimoiy-madaniy va boshqa sohalardagi qo'shimcha, ko'zda tutilmagan xarajatlar o'z vaqtida hamda uzluksiz moliyalashtirilishini ta'minlash uchun tashkil etiladi.

O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining,

viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg'armalari mablag'lari tegishincha O'zbekiston Respublikasining respublika byudjetiga, Qoraqalpog'iston Respublikasining respublika byudjetiga, viloyatlarning viloyat byudjetlariga va Toshkent shahrining shahar byudjetiga, tumanlar va shaharlarning byudjetlariga tushadigan daromadlar hisobidan shakllantiriladi.

O'zbekiston Respublikasi Vazirlar Mahkamasining, Qoraqalpog'iston Respublikasi byudjetining, viloyatlar va Toshkent shahar mahalliy byudjetlarining zaxira jamg'armalarining miqdori makroiqtisodiy ko'rsatkichlar prognozi hamda Davlat byudjetining asosiy parametrlari tasdiqlanayotganda belgilanadi.

Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg'armalari miqdori Qoraqalpog'iston Respublikasi byudjetining, viloyatlar va Toshkent shahar mahalliy byudjetlarining parametrlari tasdiqlanayotganda belgilanadi.

O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg'armalari mablag'larining taqsimlovchilari tegishincha O'zbekiston Respublikasi Vazirlar Mahkamasi, Qoraqalpog'iston Respublikasi Vazirlar Kengashi, viloyatlar va Toshkent shahar, tumanlar va shaharlar hokimlaridir.

O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg'armalari mablag'laridan foydalanish to'g'risidagi moliya organlari bilan dastlab kelishilgan takliflar tashabbuskorlar tomonidan tegishincha O'zbekiston Respublikasi Vazirlar

Mahkamasi, Qoraqalpog‘iston Respublikasi Vazirlar Kengashi, viloyatlar va Toshkent shahar, tumanlar va shaharlar hokimlariga belgilangan tartibda kiritiladi.

O‘zbekiston Respublikasi Vazirlar Mahkamasining, Qoraqalpog‘iston Respublikasi respublika byudjetining, viloyatlarning viloyat byudjetlari va Toshkent shahri shahar byudjetining, tumanlar va shaharlar byudjetlarining zaxira jamg‘armalari mablag‘lari tegishincha O‘zbekiston Respublikasi Prezidenti, O‘zbekiston Respublikasi Vazirlar Mahkamasi, Qoraqalpog‘iston Respublikasi Vazirlar Kengashi, viloyatlar va Toshkent shahar, tumanlar va shaharlar hokimlarining qarorlari asosida, ushbu qarorlarda ko‘rsatilgan aniq maqsadlarga va miqdorlarda sarflanadi.

Agar O‘zbekiston Respublikasi Vazirlar Mahkamasining, Qoraqalpog‘iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg‘armalaridan qo‘shimcha mablag‘lar ajratilishi taklif etilayotgan maqsadlar uchun Davlat byudjetida ham mablag‘lar nazarda tutilgan bo‘lsa, u holda tegishli zaxira jamg‘armalarining mablag‘laridan foydalanish to‘g‘risidagi takliflar faqat ilgari tegishli byudjetda nazarda tutilgan mablag‘lar sarflab bo‘linganidan keyingina kiritiladi.

Agar O‘zbekiston Respublikasi Vazirlar Mahkamasining, Qoraqalpog‘iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg‘armalaridan mablag‘lar ajratilgan tadbirlar muayyan muddatga ega bo‘lsa, u holda foydalanilmay qolgan mablag‘lar tadbirlarni o‘tkazish muddati tugaganidan keyin o‘n ish kuni ichida tegishli zaxira jamg‘armasiga tiklanadi.

O‘zbekiston Respublikasi Vazirlar Mahkamasining, Qoraqalpog‘iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira

jamg'armasidan ajratilib, moliya yili davomida foydalanilmay qolgan byudjetdan ajratilgan mablag'lar moliya yili tugagach tegishli byudjetga tiklanadi.

O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining, tumanlar va shaharlar byudjetlarining zaxira jamg'armasidan mablag'lar oluvchilar O'zbekiston Respublikasi Moliya vazirligi va tegishli hududiy moliya organlariga tegishli zaxira jamg'armasidan ajratilgan mablag'lardan foydalanilishi to'g'risida har chorakda hisobot taqdim etadi.

(73-modda O'zbekiston Respublikasining 2017 yil 29 dekabrda O'RQ-454-sonli Qonuni tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

(14-bob O'zbekiston Respublikasining 2018 yil 24 dekabrda O'RQ-508-sonli Qonuniga asosan 2019 yil 1 yanvardan o'z kuchini yo'qotadi — Qonun hujjatlari ma'lumotlari milliy bazasi, 25.12.2018 y., 03/18/508/2365-son)